

41

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

SEP 15 1933

T 9297.1100 B



卷第四十八

峻儀王

藝文

實錄

實錄起於蕭梁至唐而盛雜取編年紀傳而為之以備史官採擇

外實錄

唐史實錄因司典編撰

卷八清史錄十卷雜史

朝偽史劉昫煊煊實錄二十卷

哈佛大學漢和圖書館珍藏印

自一起漢興平元年終於隋末道明二年
六代四十年間君臣行事及土地山川城郭宮
室興壞用存古跡有異事則注之

唐二十八部實錄

實錄二十八部三百四十五卷高祖興嗣終於

中宗實錄劉知幾太上皇實錄以下至章保衡

武宗實錄著錄四百五十七卷六典文官本起

唐注以為文總目三十三部八百四十一

卷唐高祖至周世宗

唐高祖實錄 太宗實錄

高祖實錄二十卷敬播撰房玄齡監修許敬宗刪

改起創業書今上九實錄二十卷敬播顧嗣撰房玄

齡監修蓋貞觀十四年會要貞觀十七年七月十

六日癸巳司空房玄齡給事中許敬宗著作郎敬播

等上高祖今上太實錄各二十卷使諫議大夫褚遂

良讀之始讀太宗初生祥瑞感動流涕曰朕富有四

海追思膝下不可復得收卷遣編之秘閣賜皇太子

王各一部女子孫男賜敬播傳與敬宗

與創業書貞觀十四年至是又撰太宗

詔二十三年房喬嘗稱播為陳壽之流通鑑

七年七月癸巳書成上之上見其書六月四
詔多微隱命削去浮辭直書其事初上謂監修
曰前世史官所記皆不令人主見之何也
史官不虛美隱惡人主見之必怒故不敢獻上
自觀國史知前日之惡為後來之戒公可撰
直諫議大夫朱子奢上言云云上不從玄齡乃
高祖今上實錄

唐貞觀實錄

無忌貞觀實錄四十卷 會要永徽元年閏

三日史官太尉無忌等修貞觀實錄畢上

之起貞觀十五年至二十三年五月勅成二十卷通

前共四十卷顯慶元年七月三日史官大尉無忌左

僕射于志寧等修國史成起義寧盡貞觀末凡八十

一卷藏其書於內府至四年二月五日中書令許敬

宗等五人受詔撰貞觀二十三年以後至顯慶三年

實錄成二十卷添成一百卷上以敬宗所記多非實

錄謂劉仁軌曰此既垂於實錄何以垂之後昆高祖太宗

實錄敬播所修頗多詳直敬宗 輒以愛增刪改本傳所適四事 書目太宗實錄四

十卷許敬宗奉詔定起初誕盡貞觀二十三年八月

舊史顧胤撰太宗實錄二十卷永徽中

唐高宗實錄

志許敬宗皇帝實錄三十卷高宗後修實錄三十卷

崇文日書日初令狐德棻撰止乾封劉知幾吳兢續

止有後修成起初載盡永淳二年初顯慶四年許敬宗等

撰貞觀二十三年以後至顯慶三年成二十卷述高宗實錄三十卷武后高宗實錄一百卷

唐則天實錄

志則天皇后實錄二十卷書目魏元忠武三思祝欽

明徐彥伯柳冲韋承慶崔融岑羲徐堅撰劉知幾吳

兢刪正吳兢傳初與劉子玄撰定武后實錄叙張

昌宗誣證魏元忠事頗言說已然可賴宋璟等邀勵

苦切故轉禍為忠說為相讀之心不善知兢所為即

從容謂曰劉生書魏齊公事不少假柰何兢曰子玄

已亡不可受誣地下兢實書之其草故在聞者歎其

直說屢以情斬改辭曰徇公之情何名實錄卒不改

世謂今董狐會要神龍二年五月魏元忠至徐堅

等修則天實錄三十卷文集一百卷上之開元四年

十一月十四日子玄兢重修則天實錄三十卷與中

睿實錄同上

唐中宗實錄 睿宗實錄

志吳兢中宗實錄二十卷劉知幾太上皇實錄十卷

書目十卷。睿宗實錄五卷。會要開元四年十一月

十四日。修史官劉子玄、吳兢撰中曆實錄各二十卷。

成以聞。又引古義白於執政姚崇。奏叙事記言所錄。

雖重承恩賜命固不在多。請各賜物五百段許之。

中興書目中宗實錄起神龍元年。復位盡景龍四年。

八月傳位。凡六年。睿宗實錄十卷。起初誕。盡先天。

二年七月禪位。凡四年。又五卷。知幾、兢等撰。起藩邸。

盡開元四年。其書互為詳畧。

唐玄宗實錄

志開元實錄四十七卷。失撰人姓名。張說今上實錄

實錄

二十卷。說與唐穎撰次玄宗開元初事。玄宗實錄一

百卷。令狐峘撰。元載監修。峘所纂開元天寶間事。唯

備一朝之遺事。多漏畧名臣。中興書目一百卷。元

戴令狐峘撰。起先天元年。盡上元三年。以大曆三年

上。凡五十年。集賢注記。唐穎進所撰稽典一百卷。

燕公奏留史館。修史。撰今上實錄十三卷。韋述知史

館。敕令述寫燕公所撰。今上實錄二十卷。藏集賢史

庫。會要元和十四年九月乙巳。上謂宰臣曰。朕讀

玄宗實錄。見開元之初。銳意求理。至十五六年。則稍

懈。至開元末。又似不及中年。其故何也。崔群對。又元

嘉靖庚戌年補

監生 和中讀玄宗實錄見事出一主而與替頃殊李絳對

元和四年七月上讀貞觀開元實錄見太宗撰金鏡書及帝範玄宗撰開元訓誠思繼前躅遂製君臣事跡

唐肅宗實錄

志肅宗實錄三十卷元載監修中興書目卷同元載六年凡會要元和七年六月上讀肅宗實錄見大臣傳多浮辭虛美因宣與史官令紀事詣實

唐代宗實錄

志令狐岺代宗實錄四十卷中興書目同起寶應元盡大曆十四年凡十七

年 會要元和二年七月癸巳大僕丞令狐丕進父

岺所撰代宗實錄四十卷詔贈工部尚書建中初

當時名臣如房琯而直諫如顏真卿畧而不載時譏漏畧

唐建中實錄 德宗實錄

志沈既濟建中實錄十卷舊史崇宗文目同沈既濟

德宗實錄五十卷蔣又樊紳林寤韋處厚獨孤郁撰

裴垪監修崇文目同裴垪等撰凡二會

要元和二年二月詔撰德宗實錄五年十月庚辰宰

臣裴垪與史官蔣武韋處厚等五人撰五十卷獻之

賜垪錦綵銀器 書目唐建中實錄十五卷左拾遺

嘉靖庚戌年補

監生
沈既濟撰起大曆十四年以建中二年十月終篇既
濟作五例舉終必見始善惡必評月必舉朔史官雖
卑出入必書太子曰薨自謂辭雖不足而書法無隱
云

唐順宗實錄

志順宗實錄五卷韓愈沈傳師宇文籍撰李吉甫監
修愈表云元和八年十一月監修吉甫授臣以前
史官韋處厚所撰先帝實錄三卷云未周悉令臣重
修臣與修撰傳師直館籍等採訪修成五卷削去常
事著其繫於政者比舊錄十益六七忠良姦佞莫不

實錄

備書去月二十九日進今月四日重令刊正其奉天
功烈更加尋訪已據所聞載於首卷太和二年詔

實錄所書德順朝禁中事起於謬傳殊非信史令史
官詳正愈言禁中事頗切直宦官惡之屢言不實故
令路隋等刊正開成二年三月帝曰似未

實路隋傳愈書禁中事切直宦孺嘗其非實詔隋

刊正隋言愈所書非自出元和以來相循逮今有詔

摛貞元永貞間數事為失實餘不復改景祐中編

次崇文總目順宗實錄有七本皆五卷五本略而二
本詳

唐憲宗實錄

唐曆

上卷

監生

志憲宗實錄四十卷沈傳師鄭澣宇文籍蔣係李漢
 陳夷行蘇景喬撰杜元穎韋處厚路隋監修 **中興**
書目路隋等撰起藩邸盡元和十五年正月按文宗
 實錄長慶二年閏十月己亥路隋以學士處厚以舍
 人兼修撰更日入史館明年詔元穎與傳師澣籍與
 處厚隋等分年編次未及成大和中詔景喬夷行漢
 係等續修成四十卷 四年三月丁酉路隋進 **目錄**一卷 目錄今不存
 上之時大和四年也賜錦綵銀器會昌元年四月又
 詔再修撰與先撰成本同進三年十月宰臣李紳史
 臣鄭亞等進重修四十卷賜銀綵大中二年十一月

又詔止行舊本其再修本今不傳

周焯建言故宰相德裕重定元和實錄

錄竄寄他事以廣父功遂制新書

循吏傳宣宗讀元和實錄見韋

丹政事卓然命刻于碑

唐穆宗實錄

志穆宗實錄二十卷蘇景胤王彥威楊漢公蘇滌裴

休撰路隋監修

書目路隋等撰起元和十五年正

月盡長慶四年十一月凡五年隋傳云大和七年表

上憲穆實錄今案上憲錄在四年

唐敬宗實錄

志敬宗實錄十卷陳商鄭亞撰李讓夷監修

書目

李讓夷等撰起長慶四年盡寶曆二年凡三年會昌五年上鄭亞等修撰

唐文宗實錄

志文宗實錄四十卷盧耽蔣偕王泐盧告牛叢撰魏

暮監脩書目崇文目同起寶曆二年盡開成五年凡十四年會要大中八年

三月魏暮修成上之賜銀器錦絲有差孫甫曰高祖至文

宗實錄敘事詳備差勝他書

唐武宗實錄

志武宗實錄三十卷韋保衡監修五代時唯存一卷

書目皇朝宋敏求撰二十卷起開成五年正月盡

實錄

會昌六年三月凡七年宣宗實錄三十卷敏求撰起
潘邸盡大中十四年二月

唐列聖實錄

會要元和三年十一月上銳於為理徧讀列聖實錄

見貞觀開元故事竦慕不能釋卷謂宰臣裴垍等曰

太宗嗣業如此玄宗政理如此我讀國史始知萬倍

不及先聖猶須宰臣百官同心輔助况朕今日獨能

為理耶事有乖宜望卿盡力正救裴垍等曰陛下及此

實宗廟社稷之福自是延英議政率漏下五六刻元

和四年上覽貞觀故事嘉鄭公諫爭匪躬詔京兆尹

左右青行

訪其子孫及故居出內庫錢贖賜之七年七月己未
延英謂宰臣吉甫曰覽代宗實錄見先朝紀綱不立
嘉歎卿先人事迹志目錄類孫王汝唐列聖實錄

目二十五卷崇文目
五十卷

宋朝續唐錄 唐朝補遺錄

唐咸通中宰臣韋保衡與史官蔣偕皇甫煥撰武宣
兩朝實錄光化初裴贄撰懿僖實錄至五代皆缺唯

武宗錄皇朝趙隣幾補實錄淳化五年遣錢熙乘傳

取其書四月戊申得所著補會昌以來日曆三十六
卷及他書百卷宋敏求續成唐錄一百卷慶曆五年

王堯臣上之九月癸巳以敏求為館閣校勘書目

會要實錄二十卷宣懿傳昭實錄各三十卷哀帝實

錄八卷合一百四十八卷今懿宗二十五卷

會要大順二年杜讓能奏宣懿僖三朝實錄未修二

月敕吏部侍郎柳玘右補闕裴廷裕十五人脩之踰

年不編一字唯廷裕撰成東觀奏記三卷納史館

晋天福六年二月起居郎賈緯奏唐自武宗以後六

朝唯有武宗實錄一卷餘皆缺略今采訪遺文及耆

舊傳說編成六十五卷目為唐朝補遺錄緯所論次

多缺誤而事迹粗存亦有補於史氏崇文日唐年補

益主尤謹心龍川

嘉靖丙辰年
錄六十五卷賈緯備史六卷

建隆五代通錄

書目通錄六十五卷建隆間昭文館大學士范質撰以五代實錄共三百六十卷為繁遂摠為一部命曰通錄肇自梁開平迄于周顯德凡五十三年 范質傳述朱梁至周五代為通錄六十五卷乾德五年三月戊申范旻上先臣所撰五代通錄 崇文總目初梁末帝無實錄質自以聞見補成之其續次時序最有條理 編年類

實錄

言脩明宗之制 天成三年何瓚言張昭有史學嘗私撰同光實錄十二卷又欲撰三祖志并藏昭宗朝賜武皇制詔九十餘篇即以爲史館脩撰補爲紀年錄二十卷莊宗實錄三十卷上之又脩明宗實錄成三十卷 顯德中撰周祖實錄三十卷及梁唐漢五朝實錄梁事遺失餘三帝實錄皆藏史閣

咸平重修太祖實錄

太平興國三年正月己酉命李昉扈蒙李穆董淳趙隣幾同修太祖實錄五年九月甲辰史館修爲五十卷以獻賜監修沈倫史官李昉扈蒙等襲衣金帶錦

綵銀器。淳化五年四月癸未命張洎李至等同修國史先是上語宰相曰先朝事耳目相接今實錄中多有漏略可集史官重修蘇易簡對曰近代委學士扈蒙脩史蒙性懦逼於權勢多所諱避甚非直筆上因言及太祖受命之際非謀慮所及陳橋之事史冊所缺宜令至等重加綴緝是年十月丙午張洎等獻重修太祖紀一卷以朱墨雜書洎所上紀不列於史館凡躬承聖問及史官採摭之事即朱書以別之其書未成真宗咸平元年九月己巳下詔以沈倫所修事多漏略先朝命張洎重修太祖實錄未成會洎倫沒命右僕

實錄

躬巨端集賢學士錢若水重修丁丑又以王禹偁李宗諤梁顥趙安仁等同修二年六月丁巳書成凡五十卷并事目二卷平章事李沆監脩上之表云前集錄叙天造之始稽國姓之源發揮無取銓次失當今之所正率由舊章文武群臣舊載者九十二人或作九十今增其遺漏一百四人其於制禮作樂經文緯武申明大政釐改庶務者於甲令垂爲法式靡不具載帝覽之稱善癸亥詔褒諭賜襲衣金犀帶銀帛若水而下加散官食邑先是詔並加恩而沆獨辭李沆所修視前錄爲稍詳而真宗猶謂未備大中祥符九年

復詔趙安仁晁迥陳彭年夏竦崔遵度同修王旦監脩明年書成自興國至祥符前後凡三修

景德四年閏五月庚寅馬知節曰太祖數事恐實錄中未載上令知節具錄奏聞以備史闕

咸平太宗實錄

至道三年十一月己巳真宗初即位命集賢院學士錢若

水等修太宗實錄若水請柴成務宗度吳淑楊億同

脩請令修實錄官迺宿本院十二月甲午又言太平

興國八年以前君臣獻替不著於話言淳化五年以

後親決萬機不聞於策府請降詔旨於前任宰執三

實錄

司等處移牒求訪以備缺文後之時有昭宣使王延

德一本作王建德上太宗南宮事跡三卷命送修實錄院

咸平元年八月乙巳叶九書成凡八十卷楊億獨修

若水等奉表以獻表云借著之畫咸所預上親覽涕

泗嗚咽命坐從容勞問纔九月而畢上甚歎其速以

其書入禁中時若水判集賢院因用院印史館無所

預以諸王賜食聽為修撰所令莊宅使劉承珪掌其

事乙卯若水等加食邑階勳賜器帛長編至道三

年十一月乙巳詔工部侍郎集賢院學士錢若水修

太宗實錄若水舉官同修起居舍人李宗諤預焉上

監生 刊 太平興國八年以後皆李昉在中書日事史策
本憑直筆若子為父隱何以傳信於後代除宗諤不
可餘悉許至咸平元年以後並同前上前出會要
祥符九年二月巳丑監修王旦言兩朝實錄事有未
備者望付修史官增脩從之遂委趙安仁晁迥等增
續明年書成其卷帙如舊

乾興真宗實錄

乾興元年十一月癸酉八命翰林承旨李維學士晏
殊修撰真宗實錄諭以一朝大典謹筆削之意壬午
叶六命孫奭宋綬陳堯佐為同脩撰官十二月丁巳

實錄

詔宰臣馮拯提舉監修天聖元年二月乙巳王舉正
李淑為檢討拯卒又命宰臣王欽若代之天聖二年
三月癸卯書成凡百五十卷事目五卷癸卯欽若等
詣承明殿以獻兩宮覽書涕泣命坐勞問錫會進官
錫宴于編修院
一本無事目五卷甲辰以欽若為司徒丙午李維等
遷官第賜器幣襲衣金犀帶鞍勒馬

嘉祐仁宗實錄

嘉祐八年十二月十二日庚辰時英宗即位命翰林學士
上珪賈黯范鎮修仁宗實錄以宋敏求呂夏卿韓維
為實錄院檢討官治平元年二月戊辰命宰臣韓琦

提舉 治平四年五月上遣使取淨草二篇留觀禁中

賜史臣手詔 熙寧二年七月己丑韓琦等上之凡二

百卷 又本有事目十卷 長編命王珪等為檢討入內都知任守忠管勾敏求時知亳州召用之無

韓琦提舉事

熙寧英宗實錄

熙寧元年正月二十四日 一丁酉 詔以宰相曾公亮

提舉呂公著韓維王安石修撰孫覺曾鞏檢討二年

七月己丑司徒韓琦等上英宗實錄三十卷事目三

卷 一云曾公賜詔獎諭等言書成乞不推恩從之

元祐神宗實錄

實錄

元祐元年二月六日乙丑詔脩閏二月命司馬光提

舉鄧温伯陸佃並脩撰十月又以呂公著提舉黃庭

堅范祖禹檢討四年左僕射呂大防提舉六年三月

四日癸亥書成進呈上東鄉再拜然後開編大防於

簾前進讀詔止讀令進 七日賜宴 丙子大防等遷秩

紹聖元年四月戊辰從蔡卞之請重修至三年十

一月戊辰書成進之 元符三年五月左正言陳瓘

言伏聞王安石日錄七十餘卷具載熙寧中奏對議

論之語此乃人臣私錄非朝廷典冊自紹聖再修凡

日曆時政記及御集所不載者往往專據此書追議

刑賞宗廟之美皆為私史所攘願詔史官別行刪脩
詔三省同參對聞奏靖國元年六月壬戌詔熙寧元
豐事實具備元祐紹聖編錄具存訂正討論宜公乃
心務不失實十月詔前降參取元祐實錄及刪除王
安石日錄旨揮更不行

紹興重修神宗實錄

紹興五年九月十五日乙酉左僕射監修趙鼎史館
脩撰范冲直史館任申先著作佐郎張九成等上重
脩實錄五十卷後三日制鼎進二官冲等一官至六年正月癸未成
書通已進凡二百卷繕寫三部一為御覽一藏天章

實錄

閣一付秘省先是建炎初上謂朱勝非曰神宗史錄
事多失實遂降詔重修勝非薦范冲兼史事冲言神
宗實錄自紹聖中已命官重修既經刪改慮他日無
所質證今為考異追記紹聖重修本末朱字係新修
黃字係刪去墨字係舊文每條即著臣所見於後以
示去取世號朱墨史

紹興九年二月壬子朔史館進祖宗實錄上曰朕欲
見景德講和後故事

紹興重修哲宗實錄

初元符三年詔修哲宗實錄至大觀四年四月成書

紹興四年五月庚申詔條具重修事件八年六月九日癸亥左僕射監修趙鼎修撰勾濤祕書少監尹焞著作即張嶠佐即胡珵校勘朱松李彌正高閱范如圭等以重修哲宗元豐八年至元祐八年實錄上之至九月甲午書成起紹聖元年至元符三年通前錄為一書成一百五十卷先後進呈著作何掄謂舊錄請併紹聖元符接續修纂從之上皆御殿如進神宗實錄之制丁未趙鼎遷特進先是宰臣朱勝非言哲宗實錄經京下之手議論不公遂詔史官看詳重修後邵溥上其父伯溫辨誣王銍上元祐八年補錄送史館參修初舊

實錄

錄係二百卷勾濤書後英宗實錄例目通融裁減卷帙從之

乾道七年十一月廿八日詔秘書省總馬太祖至哲宗實錄讐校以進神錄有考異並錄有辨評皆出范冲一手

紹興徽宗實錄一淳熙重脩一乾道欽宗

實錄

紹興七年詔修八年秋即史館開實錄院十一年七月戊戌進六十卷至自元祐三年丁未提舉秦檜遷少保封美國公庚戌修撰已下各遷秩所修踈畧二十

八年二月癸巳修撰賀允中等請重修大觀以前實錄八月戊戌十一提舉湯思退等上一百五十卷以左僕射沈該為禮儀使八年秋開院增潤論多疏畧乃上御垂拱殿進呈訖奉安于天章閣敷文閣又以小本進入禁中癸卯思退遷左正奉大夫丙午同修國史周麟之奏副本在有司者宜謹其藏不許關借傳寫乾道四年四月甲寅上欽宗實錄四十卷并帝紀乾道二年十一月起居舍人洪邁奏欽宗所補和曆五年十二月秘書少監李燾請重脩徽宗實錄六年置院重修淳熙四年三月九日上書脩徽宗實錄二百卷

考異二十五卷目錄二十五卷進呈如二十八年之

制燾薦呂祖謙為檢討審訂增刪數百條書遂成

實錄所取十蓋七八然紹興以後置二相則右相仍領實錄院無次輔則以

執政權執政權提舉實錄自乾道二年十二月魏杞

始以無相故也

慶元高宗實錄

淳熙十五年三月十一日洪邁請開院修纂慶元三

年二月五日上二百八十卷起潘邸至紹興十六年

修撰傅伯壽等嘉泰二年正月二十一日又上二

修撰傅伯壽等嘉泰二年正月二十一日又上二

百二十卷起十七年至三十二年修撰袁說友等自
奉詔至成書凡十六年成五百卷

嘉泰孝宗實錄 光宗實錄

慶元元年七月二十日詔修孝宗實錄嘉泰二年詔
傅伯壽陸蔣同修專以委之三年四月十七日上五
百卷又上光宗實錄一百卷

實錄自東都以前凡一百六十八年不過一千餘卷
南度後高孝六十餘年亦一千卷孝錄比他書尤疏
駁

淳祐寧宗實錄

動周官也翦桐之戲史佚執以為辭如棠之舉臧僖
伯援之而諫慶曆三年歐陽修請臣寮奏事退俟脩
注官出面錄聖語七年王贄請備錄闕報遂為定制
望舉慶曆之典從之七年正月二十三日詔三省密
院所修時政記於二月一日繳進二十九日中書門
下言三省錄記聖語舊以宣諭聖語為各進訖付時
政記房詔以三省宣諭聖語為各與時政記同進降
出付日曆所八年十一月十九日詔次旬終繳進先
是七年正月二十三日詔每旬修時政記於次旬一
日進

天禧聖政紀

天禧四年十一月壬戌輔臣請中書密院取時政記
美事別爲編錄從之命錢惟演王曾編次丁謂等參
詳五年三月取至道至祥符時政記日曆起居注美
事錄爲聖政紀凡百五十卷正月癸卯上作序示輔

臣仁宗乾興元年八月辛亥賜輔臣又掇其事之
之要者爲真宗政要

咸平六年八月戊寅直祕閣錢惟演上咸平聖政錄
二卷詔付史館 修真宗實錄而起居注缺命程林
追修祥符以來三十卷上之

記註

失其守赴告策書諸所記注多違舊章仲尼因魯史
策書成文遵周公之遺制明將來之法其發凡以言
例皆經國之常制周公之垂法史書之舊章仲尼從
而修之以成一經之通體注隱七年始發凡例特云
謂之禮經十一年又云不書于策建此二句於諸例
之端明書於策者皆是經國之常制非仲尼始造策
書自制此禮也 昭二年注春秋遵周公之典以序
事故云周禮盡在魯矣疏定四年傳稱備物典策以
賜伯禽典策則史官記事之法也

漢著記

藝文志春秋家漢著記百九十篇卷一作注師古曰若

今起居注律歷志劉歆歷譜著記高祖即位十二

年惠帝著紀七年高后著紀八年文帝著紀二十三

年景帝著紀十六年武帝著紀五十四年昭帝著紀

十三年宣帝著紀二十五年元帝著紀十六年成帝

著紀二十六年哀帝著紀六年平帝著紀孺子著紀更始

著紀自漢元帝訖更始二年凡二百二十歲光武皇帝著

紀以景帝後高祖九世孫改元建武歲在鷄尾之張

變即位二十三年五行志凡漢著紀十二世二百

一十二年日食五十三朔十四晦二十六先晦一日

二唐開元曆合朔議考漢元光以來史官注記日食有加時者凡三十七事

鄧后紀劉

毅上書曰古之帝王左右置史漢之舊典世有法記

兒寬傳臣贊曰漢注卒史秩百石元年師古曰漢注六此年二月黃龍見廣漢

晁錯策謂高皇功德歷之春秋終軍上對謂異獸奇

木宜使著事者有紀劉向封事言星聚等事而曰皆

著於漢紀谷永封事言建始以來元災異而口八世

著記久不塞除李奇曰高祖劉歆之譜三統歷則引

高帝至光武著紀以明即位之年班固之志五行則

引十二世著紀驗日食之數遷作史記本於紬金

鑽石字之書固作漢書本於探纂前記漢武有禁中

起居注永平中撰建武注記明德后撰明帝起居注
 劉毅乞修長樂宮注獻帝及晉代以來起居注皆近
 侍臣所錄後志注引獻帝起居注後五行志注
 唐陳正卿作續尚書其表謂漢臣著記新體互約於
 表志則著記為漢起居注昭昭矣

漢大事記 大年紀 漢帝年紀 春秋

考紀

史記漢興以來將相年表所記有曰大事記有曰相
 位將位御史大夫位大事若高祖始為漢中王破項
 羽踐尊位而尊太上皇惠帝城長安文帝除苛律相

記注

位若蕭何守關中將位若太尉靈綰為燕王御史大
 夫若周苛守滎陽裴駟案司馬遷記事迄于太始元
 年而此表至陽朔鴻嘉後所增也藝文志春秋類
 有太古以來年紀二篇漢大年紀五篇晉同紀五年
 臣瓚注曰漢帝年紀有信平侯臣陵都武侯臣起
 紀三年柴武注臣瓚曰漢帝年紀為陳武武紀
 天漢元年秋注開城門大搜臣瓚曰漢帝年紀六月
 禁踰侈七月閉城門大搜則搜索踰侈者也征和元
 年十一月臣瓚注引漢帝年紀發三輔騎士大搜長
 安上林中前叙傳起元高祖終于孝平十有二世

二百三十年為春秋考紀注師古曰謂帝紀也晁錯

後世既易編年為紀傳而將相名臣年表之作復以漢靈以來

漢靈以來大事為之記蓋以存春秋之法也上自高

祖肇造下迄天漢紀年之後凡闡基勳業則書之高

帝元年春王漢秋定雍二年定塞翟寺國據滎陽三

年定魏代趙四年定齊及燕五年破楚踐位是也伐

畔除虜則書之若高祖之擊信布孝景之擊吳楚是

也凡定都營國則書之若都關中城長安右長樂未

央之成太倉西市之立是也封建朝覲則書之若高

祖王兄仲於代文帝王諸子於大原等國景立河間

諸王武立六安諸王與夫楚元齊悼之來朝諸侯王

之至長安是也凡尊親立朝冊后建儲之禮則書之

若高祖之尊上皇惠景之立高文廟與夫太子之立

書於高帝之二年衛后之立書於元朔之初載是也

凡肆青除虐導民興利則書之若赦復作除孥律孝

悌力田之置八銖錢貨之行是也凡郊祀正朔祥瑞

災異則書之渭陽之祀雍時之幸建元之紀號太初

之正曆與夫汾陰寶鼎之出河決地動之異是也

漢禁中起居注

隋志漢武帝有禁中起居注 通典周官有左右史

記其言事蓋今起居之本漢武帝有禁中起居注馬

后撰明帝起居注則漢起居似在宮中為女史之任

魏晉著作掌之後皆近侍之臣錄記後魏始置起居

令周有著作二人掌綴錄起居著作之任自此而分

西京雜記葛洪家有漢武禁中起居注一卷漢武

故事二卷抱朴子論仙按北史柳蚪曰漢魏以還

密為記注徒聞後世無益當時

漢建武注記 顯宗起居注

馬嚴傳永平十五年顯宗召見詔留仁壽閣與校書

起居注

即杜撫班固等雜定建武注記 隋志劉珍等撰漢

記起光武記注至靈帝 明德馬后紀后自撰顯宗

起居注削去兄防參醫藥事曰不欲後世聞先帝數

親後宮之家故不著也 荀悅申鑒先帝故事有起

居注曰注動靜之節必書焉宜復其式內史掌之以

紀內事 楊賜傳侍講注籍 文選白馬賦李善注

引漢明帝起居注帝向太山至滎陽有鳥鳴軌云云

漢史官注記

見天文書及唐曆議

漢長樂宮注 古今注

和熹鄧后紀元初五年平望侯劉毅以太后多德冀欲令早有注記上書安帝宜令史官著長樂宮注聖德頌以敷宣景耀勤勲金石垂之日月攄之罔極當從之伏無忌傳不其侯無忌與黃景崔寔等撰漢記又自采集古今刪著事要號曰伏侯注隋志雜史伏無忌古今注八卷其書上自黃帝下盡漢質帝歸

晉古今注

唐志儀注數崔豹古今注一卷又雜家崔豹古今注

三卷輿服都邑音樂鳥獸魚蟲草木雜注問答釋義八篇周蒙續古今注三卷

記注

崇文日

隋志雜家古今注三卷

書目雜家古今

注三卷晉太傅丞崔豹撰雜取古今名物各為攷釋凡八門中華古今注三卷五代唐馬縞撰初崔豹進古今注原釋事物初始之意縞復增益注釋以明之凡六十六門

晉泰始起居注

咸寧注見元會

起居

注梁流別起居注

隋志晉泰始起居注二十卷唐志同咸寧起居注十卷

唐志二卷太康起居注二十一卷唐志二卷並李軌撰建武

太興元康咸和咸康建元永和升平隆和興寧咸安

太和寧康太元隆安元興義熙元熙皆有之唐志有宋平宋

昌宋劉道會唐志作會撰晉起居注三百一十七卷唐志三百

卷二十梁徐勉以起居注煩雜乃為流別起居注六百

六十卷唐志有四十卷失姓名蜀志注引晉泰始起居注載

詔曰諸葛亮在蜀盡其心力其孫京隨才補吏文

選注引晉起居注太康四年詔世說注引惠帝建

興太元起居注魏志注案陸機惠帝起居注宋

書傳亮與蔡廣書引陸士衡起居注元嘉十四年河

西王求晉起居注宋志地理以晉宋起居凡諸記

法推討辨折

齊末明二年沈約兼著作郎撰次起居注周興嗣撰皇帝實錄皇德記起居注職儀

唐六家起居注

志起居注類六家三十八部一千二百七十二卷郭

璞穆天子傳六卷李軌晉太始起居注二十卷何始

真晉起居鈔五十卷劉道蒼晉起居注三百二十

卷王浚之三代起居注鈔十五卷温大雅大唐創業

起居注三卷此六家之著錄者若漢獻帝晉咸寧太

康永平咸和咸康大興建元永和升平隆和興寧太

和咸安寧康太元崇寧元興義熙元熙宋末初景平

五十五九

元嘉孝建大明後魏齊末明梁大同陳隋起居注及
晉起居注鈔流別起居注失姓名者二十六家而不
著錄者開元起居注姚璿修時政記二家三千七百
二十五卷總七家七十七部并實錄詔令隋志自
穆天子傳漢獻帝起居注至隋開皇南燕注四十四
部一千一百八十九卷 六典四十一部 舊志列
代起居注四十一家

唐創業起居注 貞觀注記

藝文志温大雅工部尚書大唐創業起居注三卷中興書

起隋大業十二年為大原道安撫盡義寧二年五月
甲子即帝位改武德元年紀用師符讖受命典冊事

記注

雜史大雅今上

百官志起居郎錄起居法度舍人

修記言之史貞觀初省舍人以給事諫議兼知起居

注或知起居事每仗下議政事起居郎一人執筆紀

錄于前史隨之其後慶中復置起居舍人分侍左

右秉筆隨宰相入殿若仗在紫宸內閣夾香案分立

殿下直第二螭首和墨濡筆皆在坳處永徽後許敬

宗李義府為相畏人之知命舍人承旨仗下與百官

皆出不復聞機務矣開元五年九月宋璟建言令史

官隨宰相入侍 會安撫列蘇氏記曰正觀中仗退

後太宗與宰相臣議政事令起居郎一人執簡記錄由

後太宗與宰相臣議政事令起居郎一人執簡記錄由

是正觀注記稱為畢備正觀元年杜正倫以給事中
知起居注帝曰朕坐朝不敢妄言正倫曰臣職左史
一言之失且筆之書千載累德九年十月十六日帝
欲見起居記錄以知得失諫議大夫朱子奢曰聖德
舉無過事史臣所述盡善陛下獨覽於事無失傳示
子孫竊有未喻中主庸君飾非護短見時史直辭極
陳善惡必不省躬罪已唯當致怨史官全身畏死則
悠悠千載尚可聞乎十六年褚遂良以諫議大夫兼
知起居事四月二十八日壬子帝曰人君得觀之否
對曰起居古志右史善惡必記未聞天子自觀史帝

曰朕有不善卿必記耶曰臣職在載筆君舉必書劉
洎曰使遂良不記天下之人亦記之矣七月八日帝
曰朕行有三一監前代成敗二進善人三斥遠群小
亦欲史氏不能書吾惡也憲宗元和十二年九月舍
人庾承休建言天子視朝群臣以次對言有可傳者
承旨宰臣示左右起居載錄季送史官如故事詔可
執政以機密不可露罷之會要云左史猶因制敕筆
削右史但編集詔書而已劉知幾曰史官唯自詢采
二史不注起居文宗大和九年十二月令郎舍人入
閣日於螭頭下記言事開成初張次宗為舍人文宗

始詔左右史立螭頭下記宰相奏對既退帝召見審
 正是非故開成時事為最詳鄭覃日記注操筆亦開
 成中鄭朗為起居郎文宗與宰相議政適見朗執筆
 螭頭下謂曰朕將觀之曰故事天子不觀史帝謂宰
 相曰朗不俾朕見起居注可謂善守職然庶一見
 以自改遂上之開成四年十月乙卯帝就舍人魏暮
 取記注觀之暮不可帝曰我既嘗觀之曰史氏為失
 職陛下見則後來所書必有諱屈善惡不實後代
 何信執帝乃止武宗會昌二年十月中書奏起居注
 記比者不逐季撰錄請每季初即納前一季所記與

史館以遲速為殿最後之

唐開元起居注 開元注記 古今注記

藝文志開元起居注三千六百八十二卷失撰人名

于休烈傳云 藏興慶宮 曆志大衍中氣議曰較前代史官注

記惟元嘉十三年十一月甲戌景長皇極麟德開元

曆皆得癸酉麟德已前實錄所記依時曆書之合朔

議曰本史官候簿考漢元光已來史官注記日蝕有

加時者三十七事日度議曰考古史及日官候簿以

太史注記日蝕衝考日度日蝕議曰較古今日蝕四

十三事月蝕九十九事課皆第一五星議曰太初三

統曆歲星十二周天超一次推商周間事大抵皆合
 驗開元注記差九十餘度較曆必稽古今注記入氣
 均而行度齊上下相距反復相求苟獨異於常則失
 行可知較史官所記歲星二十七事熒惑二十八事
 鎮星二十一事太白二十二事辰星二十四事開元
 曆課皆第一志凡唐著紀三百八十九年日食九十
 三朔九十一晦二日一

漢賈逵曆論引史官注太史候注劉洪攷古今曆注
 晉乾庶曆參校古今記注 劉知幾奏記蕭至忠言
 五不可曰今史官注記類稟監脩

唐古今注記序唐開元紀號九載制詔太史麟德曆
 推步闕疏合朔婁爽其更造密度定大明之制為萬
 世則繇是臣一行治新曆倚數立法本諸大衍越十
 五載艸具其書申命臣說纂次為術七畧例議十有
 二而古今注記呂稽氣度之行入見于五星議著雍
 執徐之歲仲秋乙巳書以越明年詔行焉維注記之
 書實欽天授時之樞要且不可亡序夫治曆之法以
 人占天非難以古驗今為難渾元初基靈曜未紀黃
 序肇制綜術維六論者猶曰重黎記注象應著名然
 則遂古之初若有常憲爰周建官大史正歲年馮相

會天位保章志變動咸有典籍用紀蓄祥矧越禩五千改曆凡七漢氏曆譜十有八家準度起元可不參究是故史遷呂諤記譜年數班生呂著紀志日食賈逵議黃赤道按太史候注明月行日度之遲疾劉洪剗乾象術攷古今曆注定斗分紀法之進退暨晉咸寧乾度泰始二曆參校古今注記之名於是始見疇人日官苟求其故則孟春建正不必虞史而後明八百歲一日之差不必下閏而後識然數學不邃則運筭舛史學不博則立論疏大初云王麟德名家二十三九章至漏經曆筭之家三十六春秋至開元曆氣之

記注

事三十一上元甲子距開元積筭九千六百九十六萬一千七百四十造計秒習孰研其幾維萬新曆參天地二中之數綜八卦六文之序研九疇五紀之兵本五王一侯之式凡左氏國語夏正時訓歷代之史百氏之書釐錙折銖水渙縷解有若中氣之議呂前代史官注記較元嘉之日景合朔之議呂漢元光呂來注記驗日食之加時此稽諸古也月食之衝呂太史注記攷日度歲星之次呂開元注記推商周此揆諸今也至于顯帝攝提之元據於曆記帝堯演紀之端參於古史候簿即氣朔之差訂曆之非即日食

先德明周魯歷之偽或辨古曆星度或系彗德實錄
躔離發歛脂合載籍推法密要為唐曆宗微一行數
學之遠說史學之博壽克蔡茲鋪觀史志古今日食
四十三加時三十七月食九十九史官記五星之事
百二十有二開元曆課皆第一二十一載龍集卷四
復詔侍御史麟太史令執圭較靈臺候簿而是非堅
定益不通古今無呂成其數之密不證古今無呂表
其術之精繇至德迄崇元增益其法臺規此上莫能
改元探端注記實啓之抑五星之
策上曰 聖旨悟人主則是書亦言德之
皆曆

數設哉按隋志天文類太史注記六卷開元著錄軼
而亡傳會要載古今曆書為卷二十四與大衍曆俱
上志亦不著云

唐時政記 聖政紀

百官志

兼列傳會要舊史

永徽後左右史惟對仗承旨仗下

謀議不得聞長壽二年正月戊申文昌左丞相姚璹
以為帝王暮訓不可缺紀建議仗下後宰相一人錄

軍國政要為時政記月送史館

時政有記自璹始然志璹修四十卷

推美讓善之道行信史直書之義缺於時事尚十得
四五未幾亦罷貞元十二年正月宰臣趙璟對延英

古書通考卷之八

嘉靖丙辰年 上海卷四
上問起居注記奏曰未微後伏下謀議不得聞注記
但於制敕內采錄長壽中姚璿撰時政紀此事又廢
上曰君舉必書義存勸戒時政紀宰相宜依故事為
之元和八年十月延英對宰臣問時政記於監修李
吉甫對曰是宰相記天子事以授史官之實錄也姚
璿修於長壽及璿罷而事廢賈耽齊抗修於貞元及
耽罷而事廢十二年九月舍人庾敬休請宰臣及諸
司對後事可勸戒者宰相示左右起居綴錄季送史
館既而宰相以幾密不以告事竟不行自左右史失職於今幾一
百五十年長慶元年四月中書門下奏時政記又廢史官

記注

惟馮誥詞除授請以謀議事關政事者許臣等隨日

撰錄號聖政紀歲末付史官舊紀長慶元年四月戊寅宰臣崔植杜元穎奏

請坐日有君臣獻替事關理體隨日撰錄號為聖政紀歲終付史館從之亦不行大和元年十二月詔入閣日郎舍人具筆紙立螭頭

下復貞觀故事開成三年二月楊嗣復為相時延英

訪對史臣不及知嗣復建言故事正衙起居注在前

便坐無所紀錄姚璿趙憬皆請置時政記不能行臣

請延英對宰臣往復之辭委中書門下直日紀錄月

終送史館它宰相議不同止會昌二年十月中書門

下奏時政紀起居注記脩史例每聞聖言有慮及生

嘉靖丙辰年 上海卷四

靈事關興替，依故事知印宰相撰錄，歲末付史館。大中六年，裴休同平章事，奏言宰相論政上前，知印者次為時政記，所論非一，詳已辭，畧他議事有所缺，請宰相人自為記，合付史官詔可。

五代史後周李穀監脩國史，請命近臣錄禁中事付史館，乃命樞密直學士就樞密院錄送史館，自此始。來鵠聖政紀頌序，貞觀末微之代言事者安論，綠辭無疑，權慮勢正，衙一開則臣誠前而啓之，帝旒近而鎮之，史筆隨而絡之，由是君臣謀國圖政之事，俞機都要之言，豐編照物，偕籍于堯典，末微之後，宰執不

記注

正狼噬虎食，乃奏史官與百僚俱退，君有問而宰臣知之，史官不得與於聞，君有舉而宰臣謀之，史官不得記其事，次第周行，檢錄制誥，與冗吏同工而已。史臣者當國之鏡，千億代之眉目也，磊磊其事，鏗鏗其聲，雲詠波訪，倦編刊筆。

唐集賢注記

志職官類，韋述三卷

書目二卷，學士韋述紀，置院

經始及開元，天寶中學士名氏皆隨文注釋。

今本二卷，乾道

九年六月，洪遵以大清樓本校之，歷可讀。

韋述自登書府至天寶十五

載，凡四十年，緬想同時，泐亡已盡，後來賢彥多不委

書院本末歲月漸久或慮湮沉敢因東觀之暇聊記
 置院經始及前後學士名氏事皆親覩不敢違隱時
 丙申歲二月也注麗正殿在東宮正殿崇政殿之北
 光天殿之南述以開元五年冬敕就秘書省撰續
 王儉七志及刊校四庫書籍八年入麗正殿校勘十
 三年三月授集賢院學士自開元十三年四月迄天
 寶十五載二月集賢院修撰校理待制及文學直等
 摠五十九人開元十三年四月至天寶十四載集賢
 院學士直學士三十三人

唐司議郎記注

記注

見東宮官

唐東觀奏記

志雜史裴庭裕東觀奏記二卷大順中詔脩宣懿僖
 實錄以日曆注記亡缺因據宣宗政事奏記於監修
 國史杜讓能會要大順二年二月敕吏部侍郎柳
 玘等修宣懿僖實錄始監修杜讓能以三朝實錄未
 修乃奏柳玘右補闕裴庭裕左拾遺孫泰駕部郎李
 嗣太常博士鄭光廷等十五人修之踰年竟不能編
 錄一字惟廷裕采宣宗朝耳目聞都撰成三卷目曰
 東觀奏記納於史館

淳化崇政殿起居注

淳化五年四月五日丙戌史館修撰張泌言聖朝編年謂之日曆惟紀報狀序敕文至聖政皇猷群臣忠邪庶務沿革莫有紀述謹按六典故事請置起居院修左右史之職記錄為起居注每月與時政記同送史館上嘉之乃置院於禁中命梁周翰李宗諤掌即舍人事修撰體式檢討故事以聞丁酉周翰等言禮記左史記言右史記事漢武帝有禁中起居注魏晉職歸著作後魏始置起居令史行幸宴會則在御坐左右記錄後別置起居注二人北齊有起居省隋置

記注

舍人唐初隸門下顯慶中郎舍人分屬兩省今陛下

重興古道乞今後應有崇德殿長春殿皇帝宣諭之

言侍臣論列之事依舊中書編為時政記月終送史

館自餘百官封拜除沿革之事並令關報起居院

以備編錄每月送史館仍命郎舍人分直崇政殿以

記言動別為起居注每月先進御後付史館從之

注進御自周翰等始自後為同居注又以注記

檢計書籍事屬史館胡銓曰周翰宗諤建言起居

注先奏御豈不愧於唐慶曆三年十一月辛卯同

修注歐陽修請上殿臣僚少留殿門俟修注官出面

錄聖語又請更不進本從之至和元年八月二十

四日知制誥賈黯乞修注官入侍通英閣事有可書
隨即記錄二年三月丁卯令立侍諫官兼修注自熙
寧二年四月八日陳襄范純仁始元豐二年五月
一日王存兼修注存建言臣僚登對許記注官侍立
後不果行五年四月二十五日改修注為郎舍人六
年九月戊辰令郎舍人隨左右分紀言動元祐元年
二月詔不分記崇寧元年十月詔前殿視朝左右史
於殿門供奉紹聖二年四月詔修注官講求典故
詳定當書者著為式會要載政和修注式
兩朝志天子御正殿記注官不侍左右惟朝會對立

記注

於香案前常日史番迤直於崇政延和二殿行幸後
上出入神宗史志御正殿則俟於門廡外便殿則
侍立行幸則後大朝會則立於殿下螭首之側凡朝
廷命令赦宥執政官以下進對御史刺史以上除拜
祭祀燕享臨幸引見之事日月星辰風雲氣候之兆
祥瑞之符孝悌之行戶口之數皆書以授著作隆
興元年起居郎胡銓言史職之廢有四一曰進史不
當二曰立非其地三曰前殿不立四曰奏不直前云
五月一日詔前殿令左右史侍立

景德時政記

元豐

紹興

乾道

開寶七年閏十月庚申史館修撰扈蒙請委宰相及參政凡事經聖斷可書簡策者錄付史館乃命參政盧多遜纂錄未成書今史館書目有是年時政記草一卷後亦失之太平興國中直史館胡旦復以為言八年八月辛亥詔中書門下凡國家之事宣諭之言令參政李昉纂錄每季送史館密院亦令副使人撰集昉上言請每月先奏御後付所司從之時政記奏昉為相參政蘇易簡代之自御自昉始是中書皆參政編錄惟呂蒙正常以宰相領時雖有時政記之名但題云送史館事件至景德元年始題云時政記端拱二年十月中書門下言每御前殿密院先上宣諭嘉言無由聞知遂詔副使張

言注

齊賢抄錄送中書同景德三年五月丙午詔樞密所修為一書而授史館時王欽若陳堯叟脩時政記至次月十五日送中書同修祥符五年六月壬戌令月送史館先是密院月錄送中書至是欽若等請別撰不關中書直送史館嘉祐六年七月八日詔月終進呈後諫官龔鼎臣之請也實錄七月戊子詔中書密院累年未脩時政記自今隨月換進戊子一云巳丑元祐四年四月月王戊詔三元豐五年五月六日詔兩省樞密院省官輪修侍即同知樞密修尚書省左右丞遞修三省時政記侍即同知樞密修尚書省左右丞遞修三省得旨及宣諭於當日記錄元祐四年四月壬戌二日詔三省月以所得旨及宣諭輪修建炎四年五月九

監生
日有三省樞密院輪修之詔紹興四年三月十八日
戊辰詔自建炎元年五月一日至四年四月一日以
前時政記令前宰執省記編類十月七日簽書樞密
胡松年以建炎四年十一月至紹興元年四月時政
記六卷上之詔付史館五年三月十二日乙酉觀文
大學士李綱進建炎時政記二冊付史館二十六年
九月二十五日知樞密湯思退請每月具錄聖語同
時政記上進乾道三年五月丙寅二十四日右史陳良祐
請臣僚奏對所聞聖訓令隨事疏報不得以無所得
聖語為解五年十一月甲寅左史林機言左右史記言

二年二月上

重脩太祖實錄李沆辭加恩太祖太宗史成王旦
進秩司徒真錄并正史成提舉並遷秩仁英錄
并兩朝正史成提舉韓琦曾公亮王珪並辭之但賜
器幣有差珪有增一子六品服元祐神錄成左相
呂太防遷兩秩紹興重修神錄左相趙鼎進二官
為左光祿大夫鼎辭賜銀帛衣帶一子六品服用元
豐舊制也

記注

荀悅申鑒朝有二史左史記言右史記動動為春秋言為尚書君舉必記滅否成敗無不存焉隋志周穆天子傳體制與今起居注正同蓋周時內史所記王命之副

周公記注

春秋左氏傳隱八年注諸例或發於始事或發於後者固宜有所異同亦或丘明所傳記注本末不能皆備疏周公舊凡於記注之文散在諸事丘明作傳因記注之文發例故或先或後 左氏傳序周德既衰官

記注

景祐通英延義二閣記注

元祐附

景祐二年正月己酉罷通英延義二閣三年正月乙巳說書賈昌朝言天子諸侯朝有二史厥後兩省置左右史所記事曰起居注唐長壽中姚璿以左右史不預升殿請中書門下修時政記明皇推愛宗室宴集賜予外不悉知寧王憲請歲終錄之授史官正元末韋執誼執政日修朝廷政令咸錄本朝用長壽正元故事以樞密謀參帷幄於本院修時政記隻日便坐決事遊幸宴集左右在列臣幸侍經禁中陛下以清間之燕向學稽古微言善道最高前聖事在雙日

查隔嚴宸時政記史館日曆及起居注莫得纂述臣
 自景祐元年春迄二十冬凡經筵侍臣出處升絀封
 章進對宴會賜予皆用存記列為三卷乞付史館詔
 可以邇英延義二閣記注為名昌朝諱說明白命章
 得象等續修之至和元年八月戊午知制誥賈黯言
 乞令修起居注隨入閣中記事詔命賜坐於御榻西
 南二年三月丁卯詔立於講讀官之次石揚休言恐
 上有宣諭遠而不聞因令立侍王拱辰乞編集講筵
 聖語 元祐六年一作七年八月二十四日范百祿奏
 復修邇英閣記注從之一十七日甲寅宰相呂大防

記注

言近講筵乞修記注已有旨施行今史院有邇英延
 義二閣記注具載仁宗與講讀官議論臣嘗進仁宗
 聖學事迹有未備者欲馮二閣記注進入以備聖覽
 其後詔國史院馮二本進入別馮一本送資善堂

紹興邇英記注

二十八年五月十八日丁丑起居舍人洪遵言陛下
 延見儒臣紬繹經史左右二史旅進旅退微言善行
 缺無所紀欲自今年八月秋講為始經筵官除罷及
 封章進對燕會錫予講讀問答等事悉行編錄以邇
 英記注為名從之九月二十七日甲申遵請依講讀官

奏事遵又言紹興九年以後起居注未修者殆十五年請每月帶修兩月庶幾天德地業赫然與日星並傳從之二十八日詔郎舍人依講讀官奏事從遵之請也時為起居郎起二十九年八月己卯舍人楊邦弼言紹興起居注未修者凡十六年望每月帶修一月從之三年二月徐俯進春秋解義上以宰渠伯書名為貶宰臣請編之記注未為大訓癸巳從之

乾道祥曦殿記注

二年十一月十三日壬子起居舍人洪邁言景祐以來有邇英延義記注數十年來稍廢不續臣伏觀今

記注

月五日王曩進讀春秋高人茂杞上曰春秋無義筆周執羔進讀三朝寶訓論文章之弊上曰文以理為主陳岩肖奏刑部事上曰寬則容奸急則人無所措手足凡此數端皆承學之臣日夜探討累數百語不能盡而陛下蔽以一言然記言動之臣不能定宣乞自今講讀官以日得聖語送修注官使謹書之願做前制因今所御殿賜名祥曦殿記注從之

淳祐緝熙殿記注

二年五月二十五日詔經筵遵舊制以每日講讀經史奏對進故事及章疏纂為緝熙殿記注編類成表

每月進入

玉海卷第四十八

玉海卷第四十九

浚儀王應麟伯厚甫

藝文

政要寶訓 聖政

皇祖之訓著于夏書文王之謨述于周命商書立
言陳烈祖之成德漢弼論道守高皇之定規魏相
稱國家舊事可以垂行文宗讀貞觀要錄有意求
治

夏政典

書胤征政典曰云云注夏后為政之典籍若周官六

鄉之治典

夏訓 周訓 訓語 訓典

書五子之歌其一曰皇祖有訓民可近不可下注經

戒其二曰訓有之其四曰有典有則注經

聖有謨訓 伊訓聖謨洋洋 說命學于古訓 多

士殷先人有冊有典 顧命赤刀大訓弘璧琬琰在

西序注大訓 虞 畢命弗率訓典殊厥井疆 君牙

由先王舊典時式注故執正之臣所行 丕顯哉文王謨

詩烝民古訓是式 左傳襄四年魏絳曰夏訓有

之注夏書 周語祭公謀父曰我先世后稷事虞夏

夏訓

夏之衰也不密失其官不敢怠業脩其訓典朝夕恪

勤奕世載德太子晉曰若啓先王之遺訓省其典圖

刑法而觀其廢興 晉語陽人有夏商之嗣典有周

室之師旅 楚語申叔時曰教之訓典使知族類行

此義焉注帝訓典五左史倚相能道訓典 鄭語史伯

曰訓語有之注周 漢志道家周訓十四篇注師古

曰劉向別錄云人間小書其言俗薄 淮南子孔子

將成康之道述周公之訓 說文典五帝之書以冊

尊閣之也 唐曆志仲康肇位四海復修大禹之典

唐太宗政典

李延壽傳撰太宗政典調露中高宗觀之咨美直筆
賜其家帛五十段藏副祕閣別錄以賜皇太子會

要瞻史調露二年二月一日丙午詔故符璽郎李延

壽撰政典一部辭彙雅正寫兩本一付祕書一本賜

皇太子志雜史李延壽太宗政典三十卷又政典

三編臣僚獻之開儒家楊浚聖典三卷校書郎開元中

上類書劉秩政典三十五卷

唐貞觀政要 太宗勳史

志雜史吳兢貞觀政要十卷太宗勳史一卷書目

兢於太宗實錄外采太宗與群臣問對之語以備勸

實訓

戒為政要凡四十篇十卷始君道政體任賢求諫終

於謹終表云此見朝野士庶論及國家政教者咸云

若陛下之聖明克邁太宗之故事則不暇遠求上古

之術必致太平之業序云有唐良相曰侍中安陽公

源乾曜中書令河東公張嘉貞爰命下才備加甄錄

君道政體一卷任賢求諫納諫二君臣鑒戒論擇官

上下論封建三太子諸王定分尊師傳教戒太子規

諫太子四仁義論忠義孝友公平誠信五儉約謙遜

仁惻謹所好謹言語杜讒邪論悔過論奢縱論貪鄙六

儒學文史禮樂七務農刑法赦令辨興亡貢賦八謹征

儒學文史禮樂七務農刑法赦令辨興亡貢賦八謹征

伐議安邊九行幸田獵災祥謹終十凡十卷四十篇
 既以魏徵論為君之道為首又以徵論克終之道為
 末蓋太宗時惟徵為善諫上有所問必指近事以為
 據而不為泛濫迂闊激訐之言太宗樂聞而喜從之
 治幾成康徵功為多按魏表上是書史缺歲月魏序
 有曰有唐良相曰侍中安陽公中書令河東公命加
 甄錄以表攷之乾曜嘉貞開元八年五月始拜是官
按本紀開元八年乾曜為侍中張嘉貞為
 中書令十一年而嘉貞與十五年乾曜罷至九年九
 月張說亦相若二公並相之時蓋可知矣其上於開
 元八年九年歟 **會要**元和二年十二月謂宰臣曰

政要室訓

近讀貞觀政要粗見當時之事以太宗神武一事少
 差諫者往復數四况朕寡昧事不得中者卿須十論
 不得一二而已六年三月帝曰嘗讀貞觀政要見太
 宗立言行事動本至仁 文宗贊文宗恭儉儒雅出
 於天性嘗讀太宗政要慨然慕之及即位銳意於治
 故大和之初政事修飭號為清明 魏謩傳文宗讀
 貞觀政要思魏徵賢詔訪其後同州刺史楊汝士薦
 徵孫謩拜右拾遺 大和九年十月 **通鑑**宣宗書貞觀政要
 於屏風每正色拱手而讀之 宋朝仁宗慶曆七年
 四月辛未嘗讀太宗政要亦云太宗言任人必以德

行學業為本。王珪曰：人無學業，豈堪太任？帝復曰：人臣不可不知書，宰相尤須有學。

唐開元政要

楊嗣復傳：開成四年，會要作三年文宗閣內謂宰臣曰：要

云延英問新修開元政要叙置如何？嗣後曰：臣等未見陛下欲以此書傳示子孫，則宣付臣等參詳可否。緣開

元政事與貞觀不同，或好畋遊，或好聲色，選賢任能

未得盡美，撰述示後，所貴作程，豈容易哉？

志雜史

李康明皇政錄十卷 崇文目同

唐唐錄政要

政要室訓

志雜史類 凌璠十二卷 崇文目同 昭宗時江都尉 **書目**

十三卷起獻祖宣帝至唐末，以事繫年冠之甲子。

咸平聖政錄 見錄類

六年八月戊寅，直祕閣錢惟演上二卷，詔付史館。

天禧聖政記 見御集類

五年三月百五十卷

乾興真宗政要

乾興元年九月戊子，召輔臣至延慶殿，東廡觀金書。

真宗謝天書表及出政要十卷，示之政要，蓋上於先

帝聖紀中，掇其事之要者，纂為此書。

天聖三朝寶訓 詳見帝學

天聖五年十月乙酉監修史王曾言唐史官吳兢於正史實錄外錄太宗與群臣問對之語為正觀政要今欲采太祖太宗真宗實錄日曆時政記起居注其間事迹不入正史者別為一書與正史並行從之六年五月曾奏委李淑修纂宋綬馮元看詳九年二月淑又奏直集賢院王舉正同脩十年正月即明道元年以三朝寶訓為名明道元年二月癸卯書成凡三十卷監脩國史呂夷簡請承明殿上進賜編修官王舉正李淑章服參詳馮元夏竦監修呂夷簡第賜器幣

政要寶訓

寶元二年十二月二十日詔侍讀學士李淑就資善堂刪整三朝寶訓以備來春進讀閏十二月淑乞令丁度同修詔可康定元年四月十八日淑又言寶訓欲先讀第一卷政體聽斷事外却取第十三卷以後將帥邊防夷狄事進讀庶幾戎備邊政蚤得敷啓寶元二年十一月六日以皇子生宴輔臣宗室于太清樓觀三朝寶訓賜御詩又出天人祥異書慶曆初命侍臣即邇英延義二閣與前史更讀

康定未熙政範 見御集

二卷 一云三卷

慶曆三朝太平寶訓 亦曰祖宗故事

中興書目三朝太平寶訓二十卷三朝政要門類始

於賞罰終於延諫臣一六納其間典法深大今世不

能遵守者於逐事之後各釋其意意相類者止釋一

事明白者不復釋紹興八年七月呂慶曆三年九

月樞密副使富弼請考祖宗故事可行者為書言欲

置局將三朝典故及父來諸司所置在二府俾為模

範得以遵守上嘉其奏丙戌命史館檢討王朱集賢

校理余靖歐陽修祕閣校理孫甫等同編命弼領之

名曰太平故事四年九月上之凡九十六門二十卷

弼為序凡三朝賞罰之權威德之本責任將帥之術

政要室訓

升黜官吏之法實強兵之制禦戎平寇之畧寬民

恤災之惠睦親立教之本御臣防患之機察納諫諍

之道率編錄焉 紹聖三年九月四日太僕寺簿龔

夬請詔儒臣自仁宗 至元豐之末續加編類

慶曆三聖政範

慶曆中詔三館臣僚言事祕閣校理孫甫撰三聖政

範以進凡十三事一作三朝以進皆治體之要大

以祖宗故事校當世有仁宗嘉納之改右正言知

諫院

三朝聖政錄

嘉州判官石介撮取太祖太宗真宗三聖之政為書
凡十九條始君道英斷謹惜名器終戒貪吏每篇末
自為贊以申諷諭序曰唐吳兢為正觀政要臣竊効
之作三朝聖政錄韓琦為序謂上以述列聖之美次
以達一人之聽 建炎四年五月饒州進士程康國
上三朝聖政錄贊十一日賜銀三十兩
書目皇朝政錄十二卷紀太祖太宗真宗三朝聖政
以三朝相臣姓氏各附卷末不知作者末熙寶訓二
卷李昉相太宗修時政記其子宗諤錄遺藁纂出五
十六事進于仁宗朝國朝寶訓二十卷不知作者別

政要寶訓

為二十門據開寶訖治平中政事謨訓之大者神宗
寶訓五十卷不知集者識聖政凡七十二門德音寶
訓三卷中書舍人曾肇采神宗謨訓事迹分四十六
門編輯上之

慶曆讀祖宗聖政錄

慶曆四年二月二十二日丙辰帝御崇政殿西閣

迎陽閣

閣中四壁各張畫圖載前代帝王美惡之跡可

為規戒者命兩府臣僚入閣觀之既而宣天章閣侍

講曾公亮講毛詩王洙讀祖宗聖政錄侍讀丁度讀

前漢書數刻而退自西宮遂用師罷進講說書趙師民

嘉靖庚戌年

三母卷四一乙

上疏因獻勸講箴至是復以命講讀

景祐讀正說於邇英

寶只元觀三朝寶訓於太清樓

慶曆三年置三朝太平故事於兩府五年讀三朝

經武聖略於邇英

皇祐元年觀三朝訓鑒圖於迎

陽門

仁宗君臣政要

張唐英編進自天聖初至嘉祐八年三月凡二百八

十有五條分四十卷

隨事立題

元豐兩朝寶訓

元豐聖訓

元豐五年六月八日戊午宰臣王珪言天聖中修真

政要寶訓

宗正史別錄三朝寶訓以備省覽今當修仁英兩朝

寶訓詔吏部郎曾肇著作佐郎林希編修至六年四

月十九日書成凡二十卷希上之賜銀絹二百紹興

六年五月希子虞以副本來上始於孝德終於治

起居舍人林處編集神宗大猷不訓為一百門二十

卷上之起孝德迄遠夷名元豐聖訓

或取三朝兩朝粹為五朝寶訓

元祐仁皇訓典

書目六卷凡三百一十七事 國史修撰范祖禹採

仁宗聖政數百事編錄成書名仁宗訓典元祐七年

進凡六卷范祖禹作序云祖宗以聖繼聖其治尚仁而仁宗得其粹焉古者史為書以勸戒人君唐皇統作正觀政要仁宗命史臣編三朝寶訓神宗亦論次兩朝事陛下又命臣以神宗之訓上繼五朝以備邇英進講臣竊惟仁宗言為謨訓動為典則實守成之規矩致治之準繩謹錄天禧以來迄于嘉祐五十年之事凡三百十有七篇為六卷名曰仁宗訓典首上性至孝次却繳扇卜廟門次錄囚徒終於仁民愛物此書惟紀述仁政大畧學問之事為別錄具于帝學篇元祐七年十一月癸巳上一本云元祐七年十二月辛亥乞撰錄成書八年正月十九日進長

編同 序亦云八年正月上 建炎四年七月巳巳詔范冲上之并帝學

元祐修神宗寶訓 政典

六年八月二十三日呂大防言乞令史院修進先朝

寶訓以備邇英進讀從之 紹興二十八年三月七

日丁卯監修沈該秘書少監曾幾著作佐郎陳俊卿

正字林之奇上神宗寶訓一百卷先是十三年詔張

闡專修至二十六年二月癸巳著作佐郎周麟之復

請修纂神哲兩朝至是成書 大觀四年張商英撰

神宗政典六卷三十篇宣和七年六月十四日七朝

寶訓書成 宣和中修哲宗寶訓年

紹興國朝訓典

元年六月戊辰迪功郎諸葛行言獻國朝訓典乞為其兄行仁推恩詔補行仁將仕郎

紹興祖宗英睿龜鑑

十卷紹興中歐陽安永撰太祖迄神宗六朝雄圖遠略可行於今者編集著論上之十年正月二十九日詔賜束帛令秘書錄進

紹興太祖政要

書目一卷紹興中秘書郎_非戒采撫太祖聖政之大者立題著論為十四篇上之

紹興中興聖語

紹興二十六年五月丙辰左僕射沈該監修國史自秦檜專政所書聖語多以已意有非至音者該奏刪之而取國史所書自上即位至今通三十年纂為中興聖語六十卷

隆興祖宗事要

二年七月三日詔劉大辯進祖宗事要詳備今盡錄來上

乾道哲宗寶訓

三年三月二十二日同修史洪邁言修纂哲宗寶訓

已成五月戊戌上之云五月凡一百門六十卷并目錄二卷

紹興二十八年八月辛亥中書舍人王剛中兼史館脩撰修哲宗徽宗寶訓

乾道光堯聖政

紹興三十二年六月丁亥詔曰朕惟太上皇帝臨御三紀法令典章粲然備具嗣位之初深懼墜失其議設官裒集建炎紹興以來詔旨條例以聞朕當與卿等恪意奉行以對揚慈訓既而命吏部侍郎徐度刑部侍郎路彬言集隆興元年三月十六日令編類

皇朝

聖政所修纂光堯壽聖太上聖政凡大號令大政事合遵行者並編類每月投進以凌景夏有請也乾道二年閏九月二十九日巳巳日曆所上聖政六十年卷十月癸酉恭進前期設次于德壽宮其日皇帝詣德壽宮以聖政冊北鄉躬進凡九百五條又御製序序曰夙寤晨興兢兢業業惟大猷是經舊章是循淳熙光堯慈訓

五年十一月一日右丞相臣浩言陛下登位十有七年親聞太上聖訓與夫陛下問對玉音外庭不得而知史官不得而書請令輔臣隨時奏請俾之登載日

曆或宣付史館別為一書使天下後世知聖朝慈孝之德從之二十七日詔日曆所書太上聖訓皇帝問對玉音以光堯慈訓為名

紹熙孝宗聖政

淳熙十六年二月二十九日有旨令編類壽皇聖政紹熙三年十二月四日上五十卷御製序十二月壬寅進呈癸卯詣宮恭進凡六百四十一條五十冊序曰寶章玉冊希閣之典備於三宮廟謨宸斷溫厚之辭被於百辟而詠歌休戚摹寫功德之人又徧天下豈惟史臣將夫人能記之豈惟今日將後世亦能記

政要全訓

之亦越成書是訓是式率舊因餘庶幾底又文王演易周公系辭父作子述切所慕焉

紹熙壽皇聖範

三年十二月十四日御史臺檢法李謙倣正觀政要仁皇訓典諸書為壽皇聖範十卷共一百四十門一千一百五十事始於聖朝盛事終於頌聲

慶元光宗聖政

慶元六年二月戊寅二十上太上皇帝光宗聖政三

十卷并口曆會要已卯率群臣進壽康宮親製序先

是五年十月五日詔開局編類置檢討官二員鍾必萬楊

海曆丁亥年

五十五生未卷肅刊

嘉定高宗寶訓 孝宗寶訓

嘉泰二年二月十二日學士陳宗召請用天聖元豐
故事輯高宗寶訓七月命史院脩纂嘉定六年閏九
月二十七日。上七十卷十一月三日進讀十四年終
篇至十四年五月九日壬辰又上孝宗寶訓六十卷
并目錄二卷。繇聖孝至方技先是十一年三月壬辰
任希夷等奏修七月乙酉命袁燮編類

淳祐光寧寶訓

四十卷淳祐十一年二月乙未上先是嘉定十四年

政明寶訓

七月丁未開院修光宗寶訓

景定聖訓

見東宮類

淳熙中校書郎劉光祖取太祖太宗治要彙為十節
為兩朝聖範上之 蔡幼學撰國朝政要編年四十
卷自建隆迄靖康 李壘撰十朝綱要 陳傅良有
開基事要十卷亦曰建隆編 陸經記祖宗獨斷凡
十事一卷

立國不以力勝仁理財不以利傷義御民不以權易

信用人不以才勝德 典貽於子孫政布於方策神
墨靈式粲然具存 是訓是彝率乃攸行 洪業休
德體堯蹈舜 秘如河圖重若典寶 夏遵禹訓商
奉湯典周守文武之法漢循高祖之律唐行太宗之
制子孫享有天祿咸數百年 校石渠之議不如奉
高帝之詔書論延英之詩寧若讀太宗之政要 日
誦帝堯之言祗率文王之訓如奉弘璧如寶大龜
夏書陳皇祖之訓周命述文王之謨 大祖聖畧讀於
慶曆仁皇訓典覽於元祐 篤前人之成烈率乃祖
之攸行 陶唐之隆順考古典周成之美率由舊章

政要室訓

論史

韓愈論史云後之作者在據事跡實錄則善惡自
見李翱謂指事載功則賢不肖易見

漢史要

隋志史要十卷漢桂陽太守衛旹撰約史記要言以
類相從張瑩撰史記正傳九卷 唐志雜史類衛旹
史記要傳十卷王延秀史要二十八卷

蜀志孟光銳意三史 北史劉昫延明以三史文繁
著畧記百三十篇八十四卷 隋志史漢要集二卷

晉祠部郎王茂抄史記八春秋者不錄唐志三史要
畧二十九卷吳張溫撰唐志三

晉譙周古史考

司馬彪傳譙周以司馬遷史記書周秦以上或采俗
語百家之言不專據正經周於是作古文考二十五
篇皆憑舊典以糾遷之謬至晉泰始中司馬彪復以
周為未盡善條古史考中凡百二十二事為不當多
據汲冢紀年之義亦行於世蜀志譙周撰定法訓
五經論古史考書之屬百餘篇隋志古史考二十
丘卷晉義陽亭侯譙周撰唐志
左傳正義譙周考

論史

古史以為炎帝與神農各為一人 小司馬三皇本

紀按古史考

蜀諸葛亮論前漢事

隋志正史類一卷

晉漢書集解

史通漢書舊無注解唯服虔應劭等各為音義自別

施行隋志漢書一百十五卷應劭集解唐志服至典

午中朝爰有晉灼集為一部凡十四卷又頗以意增

益時辨前人當否號曰漢書集注隋志晉灼集注金行

播遷此書不至江左爰自東晉至于梁陳南方學者

皆弗之見有臣瓚者莫知氏族考其時代亦在晉初
又總集諸家音義稍以已之所見續廁其末舉駁前
失喜引竹書凡二十四卷後人不知臣瓚所作乃謂
之應劭等集解斯不審矣

索隱班氏書諸儒共所
鑽仰蔡謨集解之時已有二十四家太史書殘文斷
句尤難考詳古今注解者絕希

蔡謨傳應劭已
來注班固漢書者為集解

劉臻精於兩漢書特稱漢

聖 隋志晉劉寶漢書駁議二卷

寶為中庶子侍 皇太子講漢書

隋志梁時明漢書有劉顯

音二卷 韋稜 續訓五卷 陳

有姚察 訓纂二十卷集解一卷定漢書疑二卷 隋有

包世音 二卷 蕭該 音二卷 並五卷

史記傳者甚微梁有之 康音元卷劉孝標注

四十卷陸澄注一百二卷 梁元帝注一百十五卷

注漢書叙傳五卷 雜史類晉葛洪漢書

三十卷

齊史林

齊史齊太祖建元四年詔東觀學士撰史林三十篇

文皇覽之派也

梁阮孝緒正史削繁

齊志南史九十四卷 南史梁辛峻抄史漢各為二

十卷崔慰祖云常欲注遷固二史採史漢所漏二百

張衡傳條上遷固所叙與典籍不合者十餘事

唐御銓定漢書

志御銓定漢書八十七卷高宗與郝處俊等撰顏師

古注一百二十卷顏師古傳為太子承乾注漢書上

之賜物二百段新注漢書叙例載諸家注釋名氏爵

里後漢荀悅服虔應劭伏儼劉德鄭氏李斐李奇魏

鄧展文穎張揖蘇林張晏如淳孟康項昭吳韋昭晉

灼劉寶臣瓚郭璞蔡謨後魏崔浩考文紀注中揚

古注叙例重光律大甲品書決疑卷十二書師古多資取

唐漢書學

敬播傳房玄齡惠顏師古注漢書文繁令擬其要為

四十篇是時漢書學大興其章章者若劉伯莊秦景

通兄弟劉訥言皆名家唐志敬播注漢書四卷音義十二卷顏師

古傳精訓故學所注漢書急就章大顯于時初師古

叔游秦撰漢書決疑卷十一師古多資取其義又見上

王勃傳九歲得師古注漢書讀之作指瑕摘其失

隋志史記漢書師古注漢書讀之漢疏四卷

三海卷四十一

爲志姚察漢書訓纂三十卷姚瑱紹訓四十卷顧胤
古今集義二十卷李善辨惑二十卷元懷景議苑
古史子卷三文史類裝傑史漢異義三卷開元十七
年上授臨濮尉

漢班昭傳漢書始出多未能通馬融於閣下從昭受
讀後又詔融兄續繼昭成之

唐史記至言

褚無量傳為乾元殿修其後撰述百餘篇卒後有
於書殿得其所講中記下百卷二篇帝歎息以第五
百卷賜其家

唐史記索隱

志司馬貞史記索隱二十卷序史記晉有徐廣始
考異同作音義十三卷宋裴駟取經傳訓釋作集解
合為八十卷雖粗見微意而未窮討論南齊鄒誕生
亦作音義貞觀中劉伯莊又作音義貞探求異聞採
摭典故解其所未解申其所未申者釋文演注又重
為述贊凡三十卷

唐史通析微

劉子玄傳名知幾中宗時領史事自以為志不遂乃
著史通內外四十九篇辨評古今

知幾時為中書舍人兼國史其序漢

儒論經白虎殿名曰白虎通予在史館成此書目曰史通時景龍四年庚戌仲春漢末司馬遷後封為

史通徐堅讀之歎曰為史氏者宜置此坐右又嘗自

比揚雄惟準易作經當時笑之吾作史通俗以為愚

沒後帝詔河南就家寫史通讀之稱善子玄領國史

且三十年官雖徙職常如舊曰史有三長才學識世

罕兼之三為史臣再入東觀志文史類劉子玄史通二十卷

景龍二年作開元十柳氏釋史十卷柳璨一作史

通上秩自六家至自叙三十六篇及前叙及志中共

四十二篇自辨惑以下缺體統紕繆弛張文質褒貶

五篇下秩自史官至忤時十三篇內篇六家至弛張

論史

官建置至忤時第十三

會要光化三年柳璨作析微紀子玄

之失纂成十卷書目史通二十卷評議作史體例

商權前人駁難其失分內外篇內篇十卷三十六篇

又有體統紕繆弛張三篇缺外篇十卷凡十三篇案

自序自為著作佐郎至祕書少監並兼史職因成此

書史通析微十卷隨篇評論其失凡四十九篇又第

十篇據知幾四朝實錄之失孫何著駁史通十餘

篇晁氏志前世史部有史抄類而集部中有文史

類今世抄節之學不行而論說者為多故自文史類

內摘出論史者為史評附史部而廢史抄云

唐史例

劉子玄子餗天寶初為史官父子三人更莅史職著

史例頗有法志文史類劉餗史例三卷沂公史例

十卷田弘正客撰田弘正傳通春秋左氏客為著

沂公史例行于世舊史韋述史例一卷書目劉

餗史例三卷以前史詳略由於無法故隱括諸凡附

經為例劭必史例總論十卷必修唐書因取遷固陳

壽等書質以春秋之法為三十篇上之兩朝志林槩

邵必史例十卷

唐注後漢書

論史

舊紀儀鳳元年十二月丙申皇太子賢上所注後漢書賜物三萬段

唐十二代史駁議

舊史吳武陵撰二十卷

後魏平常自周以降暨於魏世帝王傳代之由貴臣

升降之緒皆撰錄品第商畧是非號曰略注合百餘篇

唐史記名臣疏

舊史竇群學春秋於啖助之門人盧庇著書二十四

卷號史記名臣疏貞元中蘇州刺史韋夏卿以丘園

茂異薦兼獻其書不報及夏卿為京兆尹復薦群召

拜左拾遺

唐漢書古今集

舊史顧胤撰二十卷

皇祐前史精要

皇祐三年十月癸未

會要十月

詔侍讀丁度等前後漢

書節義撰序及名甲申度等請名兩漢簡微前史精

要詔以精要為名

實錄

二年十月甲申觀文殿學

士上前後續漢書節義賜名前史精要五年九月壬

辰上前史精要後漢書三十卷

景祐漢書刊誤

論史

國史志余靖漢書刊誤三十卷景祐初靖言漢書差舛

詔與王洙盡取祕閣古本對校踰年乃定著此議者譏

其跡謬程俱班左誨蒙三卷崔端詩為廣蒙三卷

書目漢書刊誤一卷淳化中史館修撰張似撰跡錄

義涉諸家字該兩體者凡六篇今附見諸卷後兩漢

博聞十二卷楊侃撰取名數解釋為此書漢書標注

六卷劉敞放奉世標注誤失東漢刊誤四卷劉敞嘉

祐八年奉詔與錢藻等六人刊正後漢書敞增損其

書凡字點畫偏傍不應古及其文句缺衍或引采經

傳有謬誤者率以意刊改西漢刊誤一卷

吳仁傑

兩漢刊誤補遺十卷

嘉祐重校漢書

嘉祐六年十二月命秘書丞陳繹重校前漢書又詔參政歐陽脩看詳熙寧二年八月六日參政趙抃進新校漢書印本五十冊及陳繹所著是正文字七卷賜繹銀絹先是景祐二年秘書丞余靖言前漢書繆誤請刊正詔靖及國子監直講王洙校對踰年乃上漢書刊誤三十卷九月壬辰詔學士張觀等刊定頒行

元祐唐鑑

著作佐郎范祖禹與司馬光修資治通鑑分職唐史

論史

采得失之迹善惡之效上起高祖下終昭宣凡三百六篇為十二卷名曰唐鑑元祐元年進晁氏志范祖禹醇夫著此書取武后臨朝二十一年繫之中宗其言曰此春秋公在乾侯之義也雖得罪於君子亦所不辭觀此則知醇夫之從温公決非苟同者唐沈既濟經學該明召拜史館修撰初吳兢撰國史為則天本紀次高宗下既濟奏議請省天后紀合中宗紀每歲首必書孝和在所以統之曰皇帝在房陵太后行某事改某制紀稱中宗而事迹太后名不失正禮不違常夫正名所以尊王室書法所以觀後嗣議

不行 石介唐鑑五卷據姦邪宦女事迹

唐書備問

王曉二卷 程鵬唐史屬辭四卷四言成文兩兩相

比元祐元年楊傑序 呂夏卿唐書直筆四卷夏卿

預修新史此其在書局時所建明歐宋間有取焉如

增入高祖字叔德之類 竇華音訓四卷新書多奇

字觀者必資訓釋華發揮良多而其書時有攻革者

不知何人附益 吳縝辨證二十卷數新書初修之

時其失有八類其舛誤二十門凡四百餘事縝不能屬文多

誤有縝又撰五代史纂誤五卷凡二百餘事 孫甫

論史

唐史要論十卷歐陽公司馬公蘇子瞻稱其書議論精覈

紹興十七史蒙求

十八年陳夢協進十七史蒙求給事中韋壽成看詳

二月十七日加賜束帛 劉義叟著十三代史志劉

氏輯曆春秋災異諸書 胡衛通史緣起二十卷推

盤古以來衆說之異同

兩朝志國初承唐舊以史記兩漢書為三史列于科

舉而患傳寫多誤雍熙中始詔三館校定摹印自是

刊改非一然猶未精咸平中校三國志晉唐書後又

校隋書南北史獨唐書以訛畧不用改修十七年乃成又以宋齊梁陳後魏北齊周七史各有正書或殘缺令天下悉上異本崇文院校定與唐書鏤板頒之唯五代史未得立

淳熙漢規

十三年二月五日宰執進呈鄭建德所著漢規上曰議論可采可付秘書

錢文子補漢兵志一卷又漢唐事要二十卷 王逸

西漢決疑五篇曰失實引古異言雜證注釋 唐仲

友兩漢精義唐書精義 錢時兩漢筆記 陳季雅

論史

兩漢博議二十卷 何備西漢補遺一卷 劉夔晉

書指掌十二卷以事實類分六十五門

通鑑約說

陳瓘撰 瓘為別試主文杯自謂蔡卞曰聞瓘欲盡

取史學而黜通經之士意欲沮壞國是而動搖荆公

之學卞謀因此害瓘遂禁絕史學瓘預料其如此乃

於前五名悉取談經五名以下皆博洽稽古之士瓘

曰當時若無矯揉則勢必相激史學遂廢矣瓘為大

學博士蔡卞方議毀資治通鑑板公聞之因策士題

特引原文以明神考有詞林自以告下密令置板高

閣不復議毀矣通鑑謂然後知文正之有相也又謂讀
天下之變乃無常惟精學其事則正與否無異而必應
唐鑑天

讀史管見

胡寅既退居著讀史管見論周秦至五代得失其論
甚正蓋於蔡京秦檜之事數寄意焉

通鑑綱目發明

尹起莘撰通鑑綱目發明五十九卷

司馬公推本荀悅漢紀以為通鑑若冊書之法著於
稽古錄而不引之於此以相附近至於帝曹魏而寇

蜀漢帝朱梁而寇河東繫武后之午黜中宗之號
夫屈原四皓之見削揚雄荀彧之見取諸若此類
於春秋懲勸之法若有未盡用者此綱目之書所為
作也

荀悅曰立典有五志焉一曰述道義二曰章法度三
曰通古今四曰著功勳五曰表賢能平實之經五志
也體國經治之言則書之用兵征伐之權則書之選
臣烈士孝子貞婦之節則書之文告專對之辭則書
之才力伎藝殊異則書之素山松曰書之為業

五煩而不整一難也俗而不典二難也書不實歸三
難也嘗謂不中四難也文不勝質五難也程子曰
讀史須見聖賢所存治亂之機賢人君子出處進退
便是格物又曰讀史不徒要記事跡須要識治亂安
危興廢存亡之理朱子曰為學之序為己而後可
以及人達理然後可以制事故程夫子教人先讀論
孟次及諸經然後看史呂氏曰讀史不可隨成敗為是非又
不可輕立意見易出議論須揆之以理體之以身平
心孰看又曰論一時之事紀傳不如編年論一人之
然始編年不如紀傳真氏曰評世變者指經術為

迂談性命者詆史學為陋蓋亦觀諸聖門乎有五經
以明其理有春秋以著其用論語所紀微而性與天
道顯而忠信篤敬至於泰伯文王之為德三仁之為
仁子產之惠卞莊子之莫不具論其所以然者子
思孟子之學言天命之性者理也言王季文王之
作武王之遠孝者用也言仁義者理也言井田學校
之政三王五霸之功臯者用也善學者本之以經參
之以史所以明理而達諸用也

五海卷第四十九

五海卷第四十九



[Blank page with faint horizontal lines]

